




Draffin | Zena | Denâ 2014 | edição pdf | de badda!



**TRÆ FÖE CONTÆ DA
ANSELMO ROVEDA**

DRAFFIN | ZENA | DENÂ 2014



O lô e o savio

Gh'ea 'na vòtta 'n lô.

O lô l'ea stanco de vegnî de longo scorriô da caccioei, allevatôi, villæn e cæn da pastô. Coscì 'n bello giorno ghe vegne en coæ de cerçâ fortunnn-a inte 'n atro paise, lonxi de de lì. Camminn-a camminn-a pe o sentê quande, a 'n çerto momento, o l'incontra 'n savio che ghe dixè:

- Donde ti væ lô?

- Vaggo via de chî. Vaggo a çercâ fortunnn-a in gïo pe o mondo: son stuffo di caccioei co o fuxî, son angosciâ de allevatôi co bacco, ghe n'ò abbasta di cæn da pastô che me baian derrê. 'Euggio solo attrovâ paxe.

- Dimme 'n pò' lô, ma ti te porti con ti ascì i denti?

- De segùo che scì, donde ti eu che i lasci?

- Allöa, lô, stanni segùo che a paxe no ti a 'trovi inte nisciun pòsto do mondo intrego.



O lô e o can

Gh'ea 'na vòtta 'n lô.

Un lô magro magriscimo e abotío. 'N bello giorno o l'incontra 'n can ben trugno, co pei spesso e lustro. Coscì o lô ghe domanda:

- Comme l'è poscibile che t'ei coscì grasso? Mi son ben ciù fòrte de ti, ma amniamme 'n pò': gh'ò 'na famme da moî e e sampe no m'arrezan manco ciù.

- Amigo lô ti peu ingrasciâ ti ascì, se vegni co mi da o mæ baccan. Gh'è solo da fâ a guardia de neutte, da vedde che no vegnan i laddri.

- Me piaxe, ghe stò, pâ sencio. Son stuffo de piggiâ ægua neive e vento, de arrabattame a çercâ da mangiâ into bòsco.

Into mentre che i caminavan pe a cà do baccan, o lô vedde 'n segno a-o còllo do can:

- Cöse l'è sto segno?

- Ah, ninte. A-o sòlito me ligan.

- Comme ninte... Te ligan!?

- Scì, co a cadænn-a.

- E ti te ne peu andâ?

- Eh, no.

- Allöa, amigo can, no vegno. Megio moî de famme ciuttòsto che renonsiâ a mæ libertæ.



O lô e o bæ

Gh'ea 'na vòtta 'n lô.

O lô 'n bello giorno o vedde 'n bæ vixin a-o rian e ghe vegne coæ de mangiaselo, coscì o cerca tutti i rampin mai pòscibili. Donca, scibben l'ea a monte do bæ, ghe dixe:

- Bæ , bestia che t'ei! Ti me fæ l'ægua tòrbia, no pòsso ciù beive!

O bæ ghe dixe che l'è impòscibile: lê, do resto, l'è a valle e o lô, pe contro, l'è a monte do strixellâ de l'ægua do rian.

Senza ciù scusa o lô, allöa, se ne inventa 'n'atra:

- Oua, scì, che me vegne in mente: ti t'ei quello bæ che l'anno passòu o l'à dîto de tutto a mæ poæ!

O bæ ghe dixe che l'è impòscibile: lê, do resto, l'anno passòu no l'ea manco ancon nasciuò.

- Ben, cào bæ, ti t'ei ben bravo co a lògica ma mi gh'ò famme... e allöa... te mangio!